



U cilju stvaranja međusobnog povjerenja i uspostavljanja saradnje između institucija Bosne i Hercegovine, institucija Federacije BiH, kantona i drugih nivoa vlasti, kao i institucija Republike Srpske i Brčko distrikta, a na osnovu: DEKLARACIJE O NEPRIHVATANJU ODLAGANJA RADIOAKTIVNOG OTPADA NA TRGOVSKOJ GORI - REPUBLIKA HRVATSKA UZ GRANICU BOSNE I HERCEGOVINE ("Službene novine Federacije Bosne i Hercegovine", broj: 12/16), formira se:

PARTNERSTVO ZA UNU

koje se zasniva na dogovoru između svih pojedinačnih strana, a u okviru kojeg potpisnice u skladu sa svojim potrebama i iskazanim mogućnostima razvijaju i usklađuju pojedinačne partnerske aktivnosti i ostvaruju saradnju u cilju borbe protiv skladištenja i odlaganja radioaktivnog otpada na lokaciji Trgovska gora, kao i u drugim oblastima saradnje na zaštiti rijeke Une.

"Partnerstvom za Unu" omogućava se bolja koordinacija i produktivnost, olakšava pristup podacima, analizama i objedinjavanju različitih vrsta podataka, a građankama i građanima Bosne i Hercegovine omogućava pristup podacima i informacijama.

Ovo partnerstvo predstavljat će i domaći i međunarodni forum za dijalog i dijeljenje iskustava između izvršne vlasti i organizacija civilnog društva, uključivanja građana u procese donošenja odluka i razvijanja saradnje koja doprinosi održivom razvoju i principima međugeneracijske pravde.

Sve strane potpisnice ovog Partnerstva će imenovati odgovorne osobe pri svojim institucijama, kao fokalne tačke za info centre u okviru Inicijative Partnerstvo za Unu, kako bi se formirala mreža centara i koordinirano sprovodila politika.

Sve strane će u svom godišnjem budžetu planirati određena finansijska sredstva za aktivnosti "Partnerstvo za Unu", koje će se sprovoditi u cilju protivljenja odlaganju i skladištenju radioaktivnog otpada na granici sa BiH.

U okviru ovog Partnerstva formirat će se platforma razmjene znanja za pristup naučnim činjenicama i dokazima i radit će se na promociji i diseminaciji podataka i informacija, te njihovom predstavljanju na domaćim i međunarodnim forumima i konferencijama.

Sve strane će raditi na podsticanju promocije tema vezanih za navedenu problematiku, te tražiti međunarodnu podršku, uključujući dijasporu.

Pitanje odlaganja radioaktivnog otpada delegirat će se kao predmet rasprave svih nivoa vlasti, institucija i organizacija koje se bave okolišnim pitanjima, turizmom, te ekonomsko socijalnih vijeća i privrednih komora.

Federalno ministarstvo okoliša i turizma, kao nosilac Partnerstva, bit će i Informacioni centar za prikupljanje podataka o sprovedenim aktivnostima i sabirni centar za objavljivanje podataka na web stranici Ministarstva.

Sve institucije i organizacije će podatke razmjenjivati i dostavljati Federalnom ministarstvu okoliša i turizma koje će relevantne podatke dostavljati Ministarstvu vanjske trgovine i ekonomskih odnosa Bosne i Hercegovine i Državnoj regulatornoj agenciji za radijacijsko i nuklearno zračenje.

Potpisivanjem ovog Partnerstva svaka strana se obavezuje da ispunjava dogovore o transparentnosti u planiranju i realizaciji definisanih aktivnosti.

"Partnerstvo za Unu" ostaje otvoreno za priključenje svih institucija i organizacija vladinog i nevladinog sektora, kojima je cilj zaštita rijeke Une.

FEDERALNO MINISTARSTVO OKOLIŠA I TURIZMA

Ministrica: dr.sc. Nasiha Pozder

VLADA USK

Premijer: Mustafa Ružnić

MINISTARSTVO ZA GRAĐENJE, PROSTORNO UREĐENJE I ZAŠTITU OKOLIŠA USK

Ministar: Senad Dizdarić

OPĆINA BOSANSKA KRUPA

Gradonačelnik: Armin Halitović



GRAD BIHAĆ

Gradonačelnik



GRAD CAZIN

Gradonačelnik



OPĆINA BUŽIM

Načelnik



OPĆINA SANSKI MOST

Načelnik



OPĆINA KLJUČ

Načelnik



OPĆINA VELIKA KLADUŠA

Načelnik



OPĆINA BOSANSKI PETROVAC

Načelnik